

Coimisiún
na Meán

Coimisiún na Meán Scéim Urraíochta Treoir D'iarratasóirí



RÉAMHRÁ

Is treoir d'iarratasóirí ar mhaith leo cur isteach ar mhaoiniú urraíochta ó Choimisiún na Meán é an doiciméad seo. Clúdaítear na hábhair seo a leanas sa treoir:

1. Maidir le Coimisiún na Meán
2. Scéim Urraíochta Choimisiún na Meán
3. Iarratais incháilithe
4. An maoiniú atá ar fáil
5. Faisnéis atá riachtanach chun iarratas a dhéanamh
6. Iarratas a chur isteach
7. Measúnú ar iarratais
8. Cinntí maoinithe
9. Riachtanais le haghaidh iarratais rathúla
10. Saoráil Faisnéise
11. Cosaint Sonraí

Moltar do na hiarratasóirí an treoir seo a léamh sula gcuirfidh siad an fhoirm iarratais urraíochta seo i gcrích agus sula gcuirfidh siad isteach í. Má tá aon cheist agat maidir le hurraíocht, déan teagmháil le sponsorship@cnam.ie nó cuir glaoch ar (01) 644 1200.

Dáta Deireanach le haghaidh iarratas

Ní mór foirmeacha iarratais urraíochta de chuid Choimisiún na Meán a chomhlánú agus a chur isteach i bhfoirm PDF chuig sponsorship@cnam.ie faoi **12 meán lae, Dé Máirt, 12 Nollaig 2023**. Ní ghlacfaidh Coimisiún na Meán le hiarratais dhéanacha ná neamhchríochnaithe.

1. MAIDIR LE COIMISIÚN NA MEÁN:

Coimisiún nua na hÉireann chun craoltóirí agus na meáin ar líne a rialáil, agus chun tacú le forbairt na meán is ea [Coimisiún na Meán](#). Bunaíodh é de réir fhorálacha an [Achta um Shábháilteacht ar Líne agus Rialáil na Meán 2022](#) ar an 15 Márta 2023 agus ghlac sé le foireann agus feidhmeanna [Údarás Craolacháin na hÉireann \(ÚCÉ\)](#).

Is é cuspóir Choimisiún na Meán tírdhreach rathúil, éagsúil agus sábháilte a chothú ar líne agus ar na meáin. Mar léiriú ar an tiomantas seo, d'fhoilsigh an Coimisiún a chéad [chreat oibre](#) i Meitheamh 2023. I measc chuspóirí an chreata sin, áirítear:

- Córais rialála nua a chur i bhfeidhm maidir leis an gcaoi a ndéileálann soláthraithe seirbhíse ar líne le hábhar díobhálach agus neamhdhleathach.
- Seirbhísí craolacháin agus ar éileamh a rialú.
- Tacaíocht a thabhairt d'fhorbairt earnáil níos leithne na meán trí mheán scéimeanna maoinithe, mar aon le tionscnaimh chun an Ghaeilge agus litearthacht sna meáin a chur chun cinn, chomh maith le comhionannas, éagsúlacht agus cuimsiú in earnáil na meán.
- Eagraíocht Choimisiún na Meán a fhorbairt.

SCÉIM URRAÍOCHTA CHOIMISIÚN NA MEÁN

2. SCÉIM URRAÍOCHTA CHOIMISIÚN NA MEÁN

Tríd an Scéim Urraíochta, tá sé mar aidhm ag Coimisiún na Meán aird a tharraingt ar a chuid oibre agus tacú le forbairt earnáil níos leithne na meán.

Tá an Coimisiún ag lorg iarratas ar mhaoiniú urraíochta chun imeachtaí/gníomhaíochtaí a reáchtáil sa bhliain féilire atá romhainn.

Foilsíonn Coimisiún na Meán an treoir urraíochta seo do na hiarratasóirí, le taobh foirm iarratais ar leith. Is iondúil go dtugtar dáta deiridh d'iarratasóirí chun iarratais a chur isteach atá thart ar 3-4 seachtaine ón dáta ar ar éilíodh na hiarratais. Tar éis an dáta deiridh, déanfaidh an Coimisiún measúnú ar na hiarratais de réir na gcritéar ábhartha atá leagtha amach sa treoir seo d'iarratasóirí agus cuirfidh sé a chinntí maoinithe in iúl go gairid ina dhiaidh sin. Sainmhíonn Coimisiún na Meán urraíocht mar:

“ranníocaíocht a chuirtear ar fáil d’eagraíocht, nó do dhuine aonair, chun críocha tacú le himeacht a chur ar siúl, seirbhís a chur ar fáil nó chun tabhairt faoi ghníomhaíocht a thagann le cuspóirí Choimisiún na Meán, agus go gcuirfeadh sochar sainithe ar leith ar fáil mar chúiteamh”.

3. IARRATAIS INCHÁILITHE

Glacann Coimisiún na Meán le hiarratais ar urraíocht le haghaidh gníomhaíochtaí agus imeachtaí a bhaineann leis na meán, a thagann le [Creat Oibre](#) an Choimisiúin, agus a chuireann deiseanna ar fáil do Choimisiún na Meán a shaothar a chur chun cinn i measc lucht féachana ábhartha.

Tabhair faoi deara nach bhfuil maoiniú Choimisiún na Meán faoin Scéim Urraíochta ceaptha íoc as na costais iomlána a bhaineann leis na himeachtaí/gníomhaíochtaí beartaithe a chur ar siúl. Ba cheart go mbreathneofaí ar Choimisiún na Meán mar pháirtí ranníocach. Ba cheart go mbeadh na hiarratais ar mhaoiniú teoranta d'imeachtaí/do ghníomhaíochtaí aonuaire, nó do ghnéithe laistigh d'imeacht níos mó, nó do shraith imeachtaí/gníomhaíochtaí gaolmhara a bheidh ar siúl le linn na bliana féilire 2024. Ní chuirtear maoiniú urraíochta ar fáil chun scannáin, nó cláir theilifíse nó raidió, a léiriú.

Reáchtálann Coimisiún na Meán réimse scéimeanna maoinithe ar leith eile mar shampla an **Scéim Fuaimne agus Físe** agus clár um **Fhoghlaim agus Forbairt Earnála**.

4. AN MAOINIÚ ATÁ AR FÁIL

Tá maoiniú **suas le €150,000** ar fáil ag Coimisiún na Meán le leithdháileadh sa bhabhta seo den Scéim Urraíochta, faoi réir ghlacadh iarratas ar chaighdeán dóthanach agus de réir an [Chreata Oibre](#) agus na gcuspóirí thuasluaite.

De réir na treorach maidir le dámhachtainí maoinithe aonair, is iondúil go mbíonn an méid urraíochta a chuirtear ar fáil d'iarratasóirí idir **€1,000 agus €10,000**. D'fhéadfaí méideanna níos mó a bhronnadh i gcásanna ar leith, ag brath ar chineál agus ar thábhacht an imeachta.

5. FAISNÉIS ATÁ RIACHTANACH CHUN IARRATAS A DHÉANAMH

Ní mór d'iarratasóirí foirm iarratais urraíochta oifigiúil de chuid Choimisiún na Meán a chomhlánú, a bhfuil an fhaisnéis seo a leanas san áireamh inti:

SCÉIM URRAÍOCHTA CHOIMISIÚN NA MEÁN

- Sonraí faoin Iarratasóir / faoin gConraitheoir Beartaithe, lena n-áirítear ainm iomlán, seoladh baile, sonraí teagmhála teileafóin agus ríomhphoist.
- Deimhniú ar stádas an Iarratasóra/Chonraitheora Bheartaithe, lena n-áirítear cé acu a bhfeidhmíonn nó nach bhfeidhmíonn sé mar chuideachta nó eagraíocht chláráithe, nó faoi ainm gnó aonair.
- Cúlra achomair faoin Iarratasóir / faoin gConraitheoir Beartaithe, lena n-áirítear aon teist go dtí seo a bhaineann le himeachtaí/gníomhaíochtaí den sórt seo a eagrú.
- Achoimre ar an imeacht/ar an gngníomhaíocht lena n-áirítear an láthair agus na dátaí beartaithe.
- Mínigh cén bhaint atá ag an imeacht/ag an gngníomhaíocht le hobair agus le cuspóirí Choimisiún na Meán, agus cén chaoi a bhfuil an t-imeacht/an gngníomhaíocht ag teacht leis an [gCreat Oibre](#)
- An buiséad iomlán don imeacht/don gngníomhaíocht a shainaitheint.
- An méid maoinithe atá á lorg ó Choimisiún na Meán a shainaitheint agus an chaoi a n-úsáidfear an maoiniú urraíochta atá beartaithe a leagan amach.
- Sonraí faoin áit a bhfaighfear an chuid eile den mhaoiniú a theastaíonn. Mar shampla, cuir in iúl an bhaint atá ag aon mhaoinitheoir eile leis/léi, an méid maoinithe atá á chur ar fáil ag na maoinitheoirí seo agus cé acu a bhfuil nó nach bhfuil an maoiniú faighte cheana.
- Mínigh an chaoi a ndéanfar poiblíocht ar an imeacht/ar an gngníomhaíocht agus an chaoi a dtabharfar aitheantas d'urraíocht Choimisiún na Meán.

6. IARRATAS A CHUR ISTEACH

Ní mór foirmeacha iarratais urraíochta de chuid Choimisiún na Meán a chomhlánú agus a chur isteach i bhfoirm **PDF** chuig sponsorship@cnam.ie faoi **12 meán lae, Dé Máirt, 12 Nollaig 2023**. Ní ghlacfaidh Coimisiún na Meán le hiarratais dhéanacha ná neamhchríochnaithe. Is féidir foirmeacha iarratais a íoslódáil ar shuíomh gréasáin Choimisiún na Meán. Tabhair faoi deara go gcaithfear na hiarratais a shábháil ar ríomhaire. Ní féidir iarratais a chomhlánaítear in amharcóir PDF ar bhrabhsálaí idirlín a uaslódáil go rathúil.

7. MEASÚNÚ AR IARRATAIS

Déanfaidh Coimisiún na Meán measúnú ar gach iarratas incháilithe de réir na gcritéar seo a leanas:

Critéir an Mheasúnaithe	Marcanna ar fáil %	Scór íosta a theastaíonn
(A) Ailíniú agus ábharthacht maidir le Creat Oibre Choimisiún na Meán agus tiomantas do thírdhreach rathúil, éagsúil agus sábháilte a chothú ar líne agus ar na meán.	40	24
(B) Cuireann sé luach ar airgead ar fáil.	25	15
(C) A mhéid atá an togra leagtha amach réadúil agus indéanta.	15	9
(D) Taithí ábhartha an iarratasóra maidir leis an imeacht/leis an gngníomhaíocht b(h)eartaithe.	20	12
I dtaca leis seo, dá mba rud é go mbeadh urraíocht faighte ag iarratasóir cheana faoin Scéim Urraíochta a reáchtáilann		

SCÉIM URRAÍOCHTA CHOIMISIÚN NA MEÁN

Údarás Craolacháin na hÉireann, chuirfí teist an iarratasóra go dtí seo san áireamh, lena n-áirítear comhlíonadh conarthaí ábhartha.		
Iomlán	100%	-

Tabharfaidh Coimisiún na Meán aird freisin ar na tosca seo a leanas:

1. Éagsúlacht an luchta féachana ar a bhfreastalóidh na himeachtaí/gníomhaíochtaí urraithe;
2. Éagsúlacht na meán agus na n-earnálacha (mar shampla, seirbhís tráchtála/phobail/phoiblí) a chuirfí chun cinn trí na himeachtaí/gníomhaíochtaí urraithe; agus,
3. Éagsúlacht na seánraí/na bhformáidí (m.sh. dráma, clár faisnéise, beochan srl.) a chuirfí chun cinn trí na himeachtaí/gníomhaíochtaí urraithe.

Tabhair faoi deara má éirigh le duine maoiniú urraíochta a fháil cheana nach deimhniú é sin go bhfaighidh sé maoiniú sna blianta atá le teacht.

8. CINNTÍ MAOINITHE

Cuirfidh Coimisiún na Meán na cinntí maoinithe in iúl d'iarratasóirí a n-éiríonn leo agus d'iarratasóirí nach n-éiríonn leo sa chéad ráithe de 2024.

9. RIACHTANAIS LE HAGHAIDH IARRATAIS RATHÚLA

Conradh: Tá gach tairiscint ar mhaoiniú urraíochta faoi réir ghlacadh oifigiúil an iarratasóra leis an tairiscint agus conradh maoinithe a dhéanamh le Coimisiún na Meán laistigh de na creataí ama atá sainithe ag an gCoimisiún agus **tráth nach déanaí ná an dáta atá an t-imeacht nó an ghníomhaíocht le bheith ar siúl.**

Ar chur i gcrích conartha, cuirfear sciar tosaigh den mhaoiniú leithdháilte ar fáil. Chun an chuid eile den mhaoiniú a tharraingt anuas, ní mór d'iarratasóirí cloí go hiomlán le téarmaí an chonartha. Cuimsítear leis na ceanglais go gcuirfí na táirgí insoláthartha riachtanacha ar fad atá leagtha amach sa chonradh isteach ar chaighdeán sásúil.

Beidh ar iarratasóirí a n-éiríonn leo ag a bhfuil conarthaí urraíochta reatha acu le hÚdarás Craolacháin na hÉireann, na conarthaí sin a dhúnadh, agus aon táirge insoláthartha gan íoc a chur isteach chun sástacht Choimisiún na Meán chun tús a chur le hidirbheartaíochtaí conartha le haghaidh aon imeacht / ghníomhaíocht atá ag teacht aníos agus ar bronnadh maoiniú air/uirthi.

Is féidir conradh maoinithe samplach le haghaidh na Scéime Urraíochta, mar aon leis na téarmaí agus coinníollacha a bhaineann leis, a fháil ar shuíomh gréasáin Choimisiún na Meán.

Ina theannta sin, tabhair an méid seo a leanas faoi deara:

Tarraingt anuas an mhaoinithe: Go ginearálta, íocfar an maoiniú ina dhá sciar agus aontaítear céatadán an mhaoinithe i ngach sciar le linn idirbheartaíocht chonartha idir an t-iarratasóir rathúil agus Coimisiún na Meán. De réir na treorach, is iondúil go mbíonn an chéad sciar den mhaoiniú idir 50% agus 60%.

Cuntas bainc: Ní féidir maoiniú urraíochta a eisiúint ach chuig **cuntas bainc ar leith** de chuid an imeachta/na gníomhaíochta urraithe. Caithfidh an t-ainm ar an gcuntas bainc teacht le hainm an iarratasóra a n-éireoidh leis/léi.

Cuntasaíocht: ~~Faoi chonradh urraíochta Choimisiún na Meán, tá dualgas ar iarratasóirí a~~

SCÉIM URRAÍOCHTA CHOIMISIÚN NA MEÁN

n-éiríonn leo úsáid a bhaint as caighdeán cuntasáochta MTS 45 agus iad ag ullmhú na ráiteas costais deiridh don imeacht/ghníomhaíocht urraithe. Ní féidir an sciar deiridh den mhaoiniú urraíochta a eisiúint dá uireasa sin. Tá treoir maidir leis an gcaighdeán cuntasáochta MTS 45 ar fáil ar shuíomh gréasáin Choimisiún na Meán.

Imréiteach Cánach Ní mór d'iarratasóirí a n-éiríonn leo uimhreacha rochtana cánach agus uimhreacha tagartha cánach a chur isteach chuig Coimisiún na Meán chun comhlíonadh cánach a léiriú sula mbeifear in ann aon mhaoiniú urraíochta a eisiúint.

CBL: Ní mór do na hiarratasóirí a n-éireoidh leo agus atá cláraithe le haghaidh CBL, sonraisc bhailí CBL a eisiúint chuig Coimisiún na Meán chun maoiniú urraíochta a fháil.

10. SAORÁIL FAISNÉISE

Geallann Coimisiún na Meán go ndéanfaidh sé a dhícheall aon ábhar a chuirtear ar fáil in iarratais urraíochta a choinneáil faoi rún, faoi réir oibleagáidí Choimisiún na Meán faoin dlí, lena n-áirítear an tAcht um Shaoráil Faisnéise, 2014. Iarrtar ar iarratasóirí a mheas murar cheart aon chuid den fhaisnéis a cuireadh ar fáil ina n-iarratais a nochtadh mar gheall ar ábhar na faisnéise, an fhaisnéis chéanna a shainiú agus cúiseanna lena híogaireacht a lua go sonrath. Rachaidh Coimisiún na Meán i gcomhairle le hiarratasóirí faoi fhaisnéis íogair sula ndéanfaidh sé cinneadh faoi aon iarratas a fhaightear faoin Acht um Shaoráil Faisnéise. Má tá iarratasóirí den tuairim nach raibh aon fhaisnéis a chuir siad ar fáil íogair, ba cheart dóibh ráiteas a dhéanamh á chur sin in iúl. D'fhéadfadh faisnéis den chineál sin a eisiúint mar fhreagra ar iarraidh ar shaoráil faisnéise.

11. COSAINT SONRAÍ

Tá Coimisiún na Meán faoi réir gach dlí, rialachán agus treoir is infheidhme um chosaint sonraí ar leibhéal náisiúnta agus ar leibhéal an AE lena n-áirítear, ach gan a bheith teoranta do, Rialachán (AE) 2016/679 maidir le daoine nádúrtha a chosaint i ndáil le sonraí pearsanta a phróiseáil agus maidir le saorghluaiseacht sonraí den sórt sin, agus lena n-aisghairtear Treoir 95/46/CE (an "Rialachán Ginearálta maidir le Cosaint Sonraí") agus aon treoir agus cód cleachtas eisthe ó am go ham ag Oifig an Choimisinéara Cosanta Sonraí nó ag aon údarás maoirseachta eile le haghaidh cosaint sonraí in Éirinn.

Beidh Coimisiún na Meán ina rialtóir sonraí (sa chás go dtugtar brí do Rialtóir Sonraí de réir na nDlíthe Cosanta Sonraí) maidir le haon Sonraí Pearsanta (sa chás go dtugtar brí do Shonraí Pearsanta de réir na nDlíthe Cosanta Sonraí) a chaithfidh iarratasóirí a chur ar fáil le haghaidh maoiniú urraíochta.

Ní mór don iarratasóir, mar rialtóir sonraí maidir leis na sonraí ar fad a chuireann sé ar fáil ina iarratas, a dheimhniú i scríbhinn go bhfuil cead tugtha ag na hábhair sonraí ar fad (sa chás go dtugtar brí d'ábhair sonraí de réir na ndlíthe cosanta sonraí) a bhfuil a sonraí pearsanta curtha ar fáil ag an iarratasóir, i leith phróiseáil sonraí pearsanta den sórt sin ag an iarratasóir, ag Coimisiún na Meán agus ag an bpainéal measúnaithe chun críocha rannpháirtíochta sa Scéim Urraíochta seo NÓ go bhfuil bunús dlíthiúil ag an iarratasóir chun sonraí pearsanta den sórt sin a chur ar fáil do Choimisiún na Meán chun críocha rannpháirtíochta sa Scéim Urraíochta seo.

--CRÍOCH--